

Paerewa Paetae

Aronga	Hangarau Matihiko 1.5			
Ingoa	Whakawhanake i tētahi hua tāhiko			
Kaupae	1	Whiwhinga	6	Aromatawai ā-Roto
Marau akoranga	Hangarau			
Kokonga akoranga	Hangarau Matihiko			
Mana rēhita	Kua rēhitatia	Te rā i mana ai	23 o Whiringa-a-rangi 2017	
Te rā e arotakengia ai	31 o Hakihea 2019	Te rā i puta ai	23 o Whiringa-a-rangi 2017	

E hāngai ana tēnei paerewa paetae ki te whanaketanga o tētahi hua tāhiko.

Pearau Paerewa

Paetae	Kaiaka	Kairangi
• Whakawhanake i tētahi hua tāhiko.	• Whakawhanake i tētahi hua tāhiko mātau.	• Whakawhanake i tētahi hua tāhiko whaitake.

Kōrero Whakamahuki

- I ahu mai tēnei paerewa paetae i te Taumata 6 o te wāhanga ako Hangarau o te marau *New Zealand Curriculum*, i whakaputaina e Te Pou Taki Kōrero i te tau 2007. E hāngai ana hoki ki ngā kōrero kua tuhia i te *Teaching and Learning Guide for Technology*, i whakaputaina e Te Tāhuhu o te Mātauranga, ā, ka kitea ki <http://seniorsecondary.tki.org.nz>.

He mōhiohio atu anō ka kitea ki <http://www.technology.tki.org.nz/>.

He tohutoro ki ngā mōhiohio hāngai kei te rauemi *Safety and Technology Education: A Guidance Manual for New Zealand Schools*, i whakaputaina e Te Tāhuhu o te Mātauranga, ā, ka kitea ki <http://technology.tki.org.nz/Technology-in-the-NZC/Safety-in-Technology-Education-revised-2017>, ki te Ture Hauora me te Haumaru ki te Wāhi Mahi 2015 hoki.

I ahu mai hoki tēnei parewa paetae i *Te Marautanga o Aotearoa*. Mō ētahi atu kōrero e hāngai ana ki ngā putanga ka whai wāhi i tēnei paerewa tēnā tirohia te [Papa Whakaako](#) kia kitea te wāhanga ako tika.

2. Ka kapi i te paearu *whakawhanake i tētahi hua tāhiko*:

- te whakamahinga o ngā rauemi me ngā tū āhua e tika ana i te whanaketanga o tētahi paheketanga o ngā pūmārō me ngā pūmanawa ka tutuki i tā ngā tautuhinga
- te whakakē me te patuiro i ngā pūmanawa tāmau
- te whakahaerenga o ētahi hātepe ki te patuiro me te tātari i te pūnaha tāhiko
- te whakaahuatanga o ngā atanga me ngā taumahi o ngā wae me ngā pūnaha kua whakamahia
- te whakaahuatanga o ngā pānga hāngai.

Ka kapi i te paearu *whakawhanake i tētahi hua tāhiko mātau*:

- ngā pūmanawa whakakē, patuiro me te taipitopito kia arorau, kia mārama hoki te papatono
- te whakahaerenga o ētahi hātepe ki te patuiro me te tātari i te pūnaha tāhiko kia pai ake ai te whaikiko
- te whakamāramatanga o ngā whanonga me ngā taumahi o te hua tāhiko
- te wheranga o ngā pānga hāngai.

Ka kapi i te paearu *whakawhanake i tētahi hua tāhiko whaitake*:

- te whakahaerenga o ētahi hātepe ki te patuiro me te tātari i te pūnaha tāhiko kia whaikiko mō tōna pūtake
- te whai kia pai ake i roto i ngā whanaketanga me te tukanga whakamātautau
- te whakataunga kia tika te kōwhiringa o ngā wā me ngā pūnaha i whakamahia i te whanaketanga o te hua tāhuko.

3. Ko te *hua tāhiko* tētahi otinga kua whanakehia me ngā wae tāhiko, ngā pūmanawa whaitake hoki.

4. Hei tauira o ngā pānga hāngai:

- pāpori
- ahurea
- ture
- matatika
- whakairoiro hinengaro
- matatapu
- āheitanga
- ngā āhuatanga o te whakamahi
- ngā āhuatanga taumahi
- taha rerehua
- toitūtanga me te ora ā-raurangi
- te whakaaro ki ngā kaiwhakamahi mutunga
- te hauora me te haumarutanga.

5. Hei tauira o ngā ariā tērā pea ka kitea i te hua tāhiko:

- te taumahi o ētahi o ngā wae tāhiko
- he ara iahiko hei ara otī

- te ngaohiko hei inenga ngao
 - he iahiko hei auau o te rere o te whana
 - te tohatohatanga o te ngaohiko me te iahiko i tētahi ara iahiko (ara iahiko hātepe, whakarara hoki)
 - te pūkawe (e hāngai pū ana ki ngā whanonga mārakerake o ngā pūkawe, ngā tākai-iahiko me ngā āhuapūkawe)
 - ngā pūnaha iahiko āpitī, ngā tohu tikanga me ngā hoahoatanga iahiko
 - ngā pūmārō (hei tauira, ngā wae me ngā pahekotanga wae).
6. Koinei hei tauira o ngā whanaketanga hua tāhiko tērā pea ka kitea:
- te tīpako i te wae he pai katoa te momo me te wāriu
 - te tīpako i te whakatakoranga pai mō ngā wae
 - te rerekētanga o ngā tawhā pūmārō tāuru, tāputa rānei
 - te rerekētanga o ngā tawhā pūmanawa rorohiko
 - te whakamahinga o tētahi ine-hiko ki te ine me te pūrongo i ngā taumata ngaohiko, iahiko hoki i ngā wāhi kua tohua.
7. Ka kitea ngā Tikanga Aromatawai e hāngai ana ki tēnei paerewa paetae ki <http://ncea.tki.org.nz/Resources-for-Internally-Assessed-Achievement-Standards>.
-

Mōhiohio Whakahoutanga

He whakahoutanga tēnei paerewa paetae i te AS91077, te AS91078 me te AS91079.

Tātari Kounga

1. Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
2. Me uru ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233